

各位午安，

當天本來想當面向議員們表達，可惜吃了閉門羹。為免再因任何爭拗而無法把話說清楚，現在以文本向各議員表達心聲。我當日參加果次會議嘅原因係想表達一下我對 TSA / BCA 嘅一 D 睇法。

作為家長，我相信每一位都係愛錫自己嘅子女嘅，都唔想佢地係一個好大壓力的學習環境中成長。而我亦是過來人，讀書時代總希望唔駛咁多考試，測驗，評估等。初時我個仔升上小三時，都有顧慮 TSA 會唔會令到佢因為額外/過份的操練而係日常學習中百上加斤！

好興幸是學校在 TSA 前已安排左唔同嘅講座/溝通渠道俾有關嘅家長，表明學校不會因 TSA 而作出不必要的操練！

而結果亦好令我滿意，學校真係冇加強額外嘅操練。而是透過已審訂的基本課程內容，所有老師以有效嘅教學方法去教授。我個仔透過適量嘅功課，日常嘅溫習，已能夠完成 TSA 嘅評核！

我睇唔到 TSA/BCA 嘅題目程度是適齡學生唔可以應付的。反而 TSA 的成績數據分析可回饋學校，令老師們有多一種客觀數據參考，以改善教與學嘅效能。

當我個仔考完 TSA，我發覺學校有後續嘅跟進。根據 TSA 嘅分析數據，透過檢討/微調教學方針，大部份學生嘅成績有顯著嘅進步！最重要是不盲目催谷重覆嘅操練，而係透過多元化的教學，俾學生能夠達到一個有果效嘅成績！

總括黎講：

一刀切廢除 TSA / BCA 未必係學子之福。經過了解，經歷 TSA / BCA 的目的及好處。作為家長，我支持有合宜的評估機制，俾到學校有清楚嘅數據切合自己學校嘅需要！

而檢討 TSA / BCA 應該由有關教育部門連同專業教育團體去鉤劃出現今香港需要提升教與學嘅適時、適當嘅大方向！

繼而通過與有關持份者嘅溝通，搵出一條大家能夠求同存異，可接受嘅共贏方案！

最後得益者唔係在座各位，或者堅持唔同睇法的持份者，而係我地香港未來的社會棟樑，就係黎緊將會參加 TSA / BCA 的莘莘學子！

許志明先生